



Газет 2001-йисан
ноябрдилай акъатзава

*РД-дин Докъузпара райондин общественно-политический газет.
Общественно-политическая газета Докузпаринского района РД.*

ЭРЕНЛАРДИН СЕС

№35 (1017) 1-сентябрь, арбе, 2021-йис. Газетдин са экз. кьимет киоскрай - 13 манат

"Сад тир Россия" ВВП-дин патай кандидатар райондин активдихъ галаз гуьруьшмиш хъана



30-августдиз райондин администрацияда вахтуналди РФ-дин Президентдин патай Гьамишпалугъ векил Гьасанов Жамаладин Набиевич (ам "Сад тир Россия" партиядин патай са мандатдин округдай (№12) - Россиядин Федерациядин 8-сеферда эвер ганвай Госдумадин депутат-виле кандидат яз къалурнава) ва "Сад тир Россия" партияди иридлагъай сеферда эвер ганвай РД-дин Халкъдин Собранидин депутатвиле кандидат яз къалурнавай Раджабов Фирудин Жамирзеевич чи райондин активдихъ галаз гуьруьшмиш хъана.

Мярекат муниципалитетдин Кьил Мегьамед Шамилова ачухна. Кандидатрихъ галаз танишвал гуналди ада кьей-

дна, Жамаладин Набиевич - чи республикада ва адалай кьецени машгьур я. Ам сиясатдин ва жемиятдин деятель, Кеферпатан Кавказда хъсан чизвай касни я, вични сиясатдин илимрин кандидат.

- Ж. Гьасанов Госдумадиз кьве сеферда хъанай (2011-2016-йисара) Ада пар квай кьвалах кьилиз акъудна. Ам са шумудра гьукуматдин шабагьралди кьейднава, - лагъана райондин Кьили.

Кьвед лагъай мугьмандин гьакьиндай танишвал гудайла, муниципалитетдин Кьили кьейдна - и мугьм-ан чи районда хъсандиз чизвай кас я, ада датлана чи райондихъ галаз яшайишдин ва экономикадин месэл-аяр гьялуниз куймекар гузва.

Ахпа гьар са кандидатдинни вичикай суьгьбетна чпи сечкийрилай вилик хиве къазвай платформайрикай лагъана ва райондихъ авай кьилдин месэлайриз фикир гана.

Мярекатдин نتیжаяр жем авуналди, Райондин Кьил Мегьамед Шамилова сечкичийриз жавабдарвилелди сечкийрилай вилик квай кампаниядиз гьазур хьуниз эвер гана.

- Гьурметлу райондин агъалияр, анжах куь сес гунилай чи райондин яшайишдин ва экономикадин гьалар къулай ийиз ва авадан ийиз гележегда алакъда, - рахунар эхирдал гъана Мегьамед Арсеновича.

Дагъустандин вице-премьер Рамазан Жафарова Къурушдал спорткомплекс ачухуниз талукъ гъазурлухвал ахтармишна

Малум тирвал, Докъузпара райондин Къурушрин хуьре яргъалди гуьзетнавай спорткомплекс ачухуниз талукъ мярекат кьиле фин лазим тир. И вакъиадиз шерик хьуналди, РД-дин Правительстводин Председателдин заместитель Рамазан Жафаров "Докъузпара район" МР-дин кьил Мегъамед Шамиловахъ галаз къакъан дагълух хуьруз фенвай. Абурухъ спорткомплексдин хар-жияр вичин хивез къачунвай меценат, РФ-дин Госдумадин депутат Мамед Абасовни галай.

Къейд авун лазим я, спорткомплексдин майданри 300 квадратдин метр къазва. Дараматда гегъенш зал кардик ква. Ана азаддиз къуршахар къунай, волейболдай, мини-футболдай, боскетболдай акъажунар кьиле тухуз жеда. Ана парталар хутлундай, жендекар чухъуьдай кабинетар, санузелар кардик ква. Чпихъ мурад авай вири хуьруьвийривай спортдал машгъл жедай шартлар яратмишзава.

Къурушрин хуьруь чи уьлкведиз ва республикадиз тлвар-ван



авай пагъливанар ганва. Спорткомплекс эцигун планрик 2016-йисалай ква. Госдумадин депутатди Къуруш хуьруьн агъалийрин патай арза къабулна ва куьмек гуьнин рекъай вичин пулдин такъатар серф ийиз хъана. Ам яшайишдин кар алай проектрикай сад хъанва, - къейдна Р. Жафарова.

Вичин нубатда Мегъамед Шамилова чи райондин агъалийрин тлварунихъай Мамед Магъарамовича гуьрчег, гегъенш зал эцигунай сагърай лагъана, Рамазан Жафароваз дикъетдай ва куьмек гунай, ватангъиливили гьисс хуьнай алхшар авуна.

Шагъбала ШАГЪБАЛАЕВ

Райондин Къили махсус месэлайрай агъалияр къабулна



27-августдиз Докъузпара райондин Къил Мегъамед Шамилова хсуси месэлайрай гражданаь къабулна. Мярекат кьиле фидайла, ана коррупциядай муниципалитетдин Къилин куьмекчи Акиф Балакишевани иштиракна.

Мярекат кьиле фидайла, агъалийри итиж авай месэлаяр

къарагъарна, райондин Къили абуруз тамам жавабарни гана. Вири арзайрин бине сад тир - чеб къвалахдалди таъминарун.

Миграгъ хуьруьн агъалийри рехъ ремонт авунин месэла эцигнавай. Къейд авун лазим я, марфар къуникди, юргъар хуьникди 2 километрдин мензилдин рехъ лилда

гъатна. Республикадин хийир авай рехъ РД-дин рекъерин майишатдин ва транспортдин балансдал ала. И месэла гъялун патал муниципалитетдин Къили РД-дин Минтрансдиз чар ракъурда лагъана гаф гана.

Усугъчай хуьруьн агъалияр тир Шукур Агъмедова, Наира Агъмедовади, Цийи Каракуьредаь Рефед Арабханова, Мурад Крымова, Мискискай - Наида Севашевади, Миграгъ-къазмайрилай Замира Исмихановади, Тельман Мурсалова, каракуьреви Азик Крымова, миграгъви Къаир Балакишева къвалахдин гъакъиндай арзаяр ганвай.

Мегъамед Арсеновича агъалийрихъ авай месэлайриз фикир гана, абур гъялуьнин ва вичин гуьзчивилик кутунин рейсавал малумарна.

ЧИ МУХБИР

Муаллимрин августдин совещание

25-августдиз ВКС-дин кьайдада аваз, вич адетдиз элкьвенвай муаллимрин августдин конференция "Докъузпара район" МР-дин Кьил Мегьамед Шамилован регьбервилик кваз кьиле фена. Адан кьвалахда образованидин идарайрин кьиле авайбуру иштиракна. Мярекатдин повесткада агьадихъ галай месэлайр акъвазнавай:

1. Райондин Кьилин патай муаллимрин сообществодиз эвер гун;

2. Муниципалитетдин образованидин Управленидин начальнидин везифайр вахтуналди тамарзавай П. Рамазанован "Приоритетные задачи в развитии образования в МР "Докузпаринский район" темадай доклад;

3. Райондин Кьилин заместитель Ренат Агьаметован "Особенности проведения образовательного процесса в условиях пандемии" темадай доклад;

Вичин рахунрин сергьятра Мегьамед Шамилова вири муаллим-



риз цийи клелунин йис алукуьун мубаракна, ада образованидин терефда райондин мектебрин вилик акъвазнавай асас месэлайрикай лагьана: образованидин идарайрин куьгьневал, педкадрайрин бес тежезвай гьал, школьник патал алава образованидин кьурулуш вилик тухун. Идазни килиг тавуна, райондин Кьили кьейдна, гьелелиг чи райондин образованидин ери виниз дережада ава. Чи мектебрин выпуск-

никар уьлкведин ва республикадин кьилин вузриз гьахьзава.

Райондин Кьили очный жуьреда чирвилер кьачунин сергьятра педагогри вакцинация авунин важиблувиликайни лагьана.

Агьаметов Рената вичин рахунра эпидемидин гьаларикай хабар гана, ада вири муаллимриз рапар ягьуниз эвер гана.

ЧИ МУХБИР

Хуьрер газдалди таъминарунин месэлайр гьялна



26-августдиз Докъузпара райондин Кьилин заместитель Ренат Агьаметован регьбервилик кваз Усугьчай, Цийи Каракуьре, Мискискар хуьрерин администрацийрин кьилерихъ галаз газдалди таъминар-

унин месэлайриз талукь совещание кьиле фена. И мярекатда райондин ОКС-дин ва ЖКХ-дин начальник Али Кьарибова, Дагьустандин Газпромдин отделенидин муниципалитетдин мастерский участокдин стар-

ший мастер Кьанбер Агьмедова иштиракна.

Совещание кьиле фидайла, анин иштиракчийри газификацидиз талукь хейлин месэлайр веревирдна, газификациядик кутунин рекьяй арзаяр кьабулун фикирдиз гьана, муниципальный дережада авай газ тухунин гьалар кьайдаламишна.

Ренат Агьаметова кьейдна, газификациядин программадихъ галаз рейсад яз, сергьятрин участокрал тухузвай ва я тухванвай газдин линияр муьфте хьун кьалурнава. Идалай гьейри, газификациядин программаяр вад йисанбур яз туькьурнава. Газопроводар гьа кьайдада тухунин лишанлувални майдандиз акъатзава.

ЧИ МУХБИР

Переписдин рекъемри яшайишдин квалер эцигуниз куьмек гуда

2021-йисан Вироссиядин переписдиз талукъ яз кыле фейи элквей столдин иштиракчийри - чун гыкьван ава ва гьакI яшамыш жезва месэляяр веревирдна.

"Яшайишдин шартлариз кутугай ара" мярекат Камчатский крайдин Петропавловск - Камчатскда Росстатдин регъбервилин иштиракчивал аваз кыле фена. Переписдин таза нетижайар хуни-кди агъалийрин яшайишдин шартлариз талукъ бинеяр эцигиз жеда. 2010-йисан переписдин нетижайралди пуд касдилай ибарат майишатда, гьар са касдал 17 квадратдин метр чил гьалтзавай. Хуси квалер - 21 камуналка 10 кв. метрдинбур жезвай. Са кваликай ибарат квартира чи уьлкведа - 1,2 касдал гьалтзавай. Кылдин квартираяр Кефердин шегъеррин агъалийрал ацалтзавай. ИкI месела, Мурманский ва Магаданский областрин агъалийрал, хуьерин чкайра авай агъал-



ийрални. Алай йисан переписдин нетижайралди чи уьлкведа гыкьван ФАП-ар, библиотекаяр, образованидин идараяр эцигна кланзаватла раиж жезвай важиблу камар ава. Переписди гегъенш сергьятрин цифровизация, жегьилар патаз-кьерех-

диз экъечI тавунин рехъ агалда, - къейдна Камчатский крайдин губернатор Владимир Солодова.

ЧИ МУХБИР

Переписди жегьилар квелди яшамыш жезватла кьалурда



Россияда яшамыш жезвай 27 процент жегьилар (17-25 яшар) вузрин студентар я. Образованидал гьалтайла, адан кьурулуш Норвегиядин, Германиядин, Франциядин жегьилрин кьадардив барабар я. Жегьилри сифтегъан чкадал образование ва кьуллугъдин гурарай хкаж хьун эцигзава. 27-29 йисарин яшда авайбур эвленмиш жез эгечI-зава.

2021-йисан переписди кьалурда, гьихътин яшайишдин куьмекчи вилин гьалда аватла жегьилар. Переписди

Чи планетадин агъалийрин кьуд лагъай пай кар бажармишзавай жегьилрин кьатунал ацалтзава. Бейкарбурун арадани абур гзаф я. Жегьилар 14-35 яшдинбур я, абурун кьадар 41 миллион кас ава. Кефердин регионра, Дальний Востока,

уьлкведин Кыблепада рушар артух ава. Россиядин жегьилар вузра клелз-авай, гьакIни квалахзавайбур я. Эгер 2010-йисуз 15-24 яшда авайбур квалахдал таъмин туширбур 13,8 процент тиртла, 2019-йисуз абур 10,6 процент тешкилзавай. Алай вахтунда

чи уьлкведин вири регионрин месэляяр фикирда кьада ва абур гьалунин карда вири жуьредин куьмекар гуда.

ЧИ МУХБИР

АНТИНАРКОМАНИЯ

Наркотикрин зарардикай



Наркотикар ахьтин заглар я хьи, абуру кефли гьалдин кьайда арадал гьада, вичиз аслу ийида ва "къармахра" твада.

Наркотикди инсандиз вучтин таъсир ийизва?

Датлана наркотикар ишлемиш-завайбуру, абуру чпин гьисс агъуз-рзава. Са къадар вахтунилай шадвал арадал гьунин къуватар буш жезва. Адан къурбанд-къадар артухарун дебда гьатзава. Къуватлу наркотик-рал элячлуниз мажбур жезва. Ахпа абурукай хкечлиз жезвач.

Наркотикри гьихьтин зарар арадал гьизва?

Вири наркотикар, чпин махсус тлебиатдила, зегьерар я. Абуру инсандин бедендин органар, парча-аяр, кьилин нервийрин кьайда хара-пзава, месин алакьайрин къурулуш-диз таъсирзава, чулав лекьиник ва дуркунрик хуькуьрзава. Адет яз, мягкем сагьламвал авай наркоти-кар ишлемишзавайбуру вини кьил цуд йисуз яшамаш жезва, абурун инсанвили интеллект агъуз дережа-диз аватзава. Ахьтинбур аллергия-дик, садакай-масадак хкладай азаррик телеф жезва, СПИД ва гепатит абур-ун кьилел ала.

Гзаф наркоманри чпин уьм-уьр чпи ажал гьуналди тергзава, абурухь чпи-чеб хуьдай инстинкт

амукьзавач. Чпи чеб хушуналди, лугъудайвал, регьят къурбандвили "къармахриз" вегьизва. Месела, аварийрик кутазва, бедбахт душ-уьшрин иесияр жезва.

Американви нарколог Р. Хрис-тофсена кхьизва: "Заз садрани датлана наркоманвилел машгьул кас 30 йисан ишдилай кьилихь алатнавай душлуьш акунвач". Лугъуз жеда хьи, наркоманди вичи вичиз акъуднавай жаза - наркотикар къабулун я. Нарко-тикар маса гузвайбуру чпин метягь хирит! авунин рекьяйни еке алахь-унар ийизва. Наркотик сифте яз иш-лемишунин рехь - муракабди яз аму-къзава. Ахпа адан къармахра гьата-йла, эхкьечлиз хьун иллаки четин месэла я. "Рапунал ацукьарун четин гьал я" - и дережадив агакьдалди фагьумдал гьун важиблу я: зун гьи рекьиз физва, за вуч ийизва?! Гьави-ляй мукьаят хуьх: зун гьинихь физ-ва лагь, зун вучиз куьлягь жезва... лагь, за низ писвал ийизва, лагь!.. Гьа вахтунда квевай адан таъсирлуви-ликай дикьетлу яз, хкечлизни жеда. А рекье гьатдай рехь квез гуьтлуь хьурай!

ИСЛАМДИН УЪМУЪРДАЙ

Сулейман пайгъамбар ва жинерар

Виликдай хьайи умматрин вахтунда шейтланар цаварал хкак жез, малаикрин ихтилатриз яб гузвай, адалай къулухь абурувай ван хьайи чилел кьиле фидай агьвалат-рикай хабарар гваз хкьезвай. Ахпа абуру а хабарар, къенин юкъуз савадсузбуру фалчийр лугъудай-бурув, чпин патай шумудни са уйдур-ма кутун хьувуна, жедай крарикай агакьарзавай. Нетижада чувудрин арада ванер чк'ана, гуя жинерриз чинебан крарикай хабар ава ва абурун а тапан чирвилер, ягьалмиш хьанвай инсанри ктабра к'ват'на.

Къвердавай гзаф инсанри суьгьуьрчивал ишлемишиз акурди, Дауд пайгъамбардин хва Сулейман пайгъамбарди, салам хурай чпиз, а ктабар вири к'ват'на сандухда туна ва вичин тахтунин кланик кутуна. Ахпа ада халкьдихь элкьевена, ни жинерриз чинебан чирвилер ава лагьайт'ла, гьадан кьил галуддайди малумарна.

Сулейман пайгъамбар, салам

хурай адаз, гьатта пачагь тирг'лани, амма ам кесиб яз яшамаш жезвай. Ада вичин буба Даудал, салам хурай адаз, чан аламаз, абуру зинбилар храз ва аскерриз къеркъер (кольчу-гаяр) туьк'уьриз, абур маса гуз кьил хуьзвай. Кесиб инсанриз куьмек гудайвал ва гунагь крар инсанрин арадай тергун патал, ада садазни тахьай хьтин ва адалай къулухь садаз-ни техжедай хьтин девлет ва гьукум вичиз гун патал, Аллагьдивай т'ла-бна (мана): "Ада лагьана: **"Я Хал-икь! Залай гьил качу ва залай къулухь садазни тежедай хьтин гьукум це заз. Гьакьикьатда, Вун - Багьипшзавайди я". А ч'лавуз Чна, адаз клан хьайи патгахь, адан эмирд-алди назикдаказ фидай гар муьт'уьгь-гьарна ва гьак'ли имаратар эциг-дай, цин кланикай физ алакьдай ва маса гьар жуьредин бухаваррал кут'уннавай шейтланар муьт'уьгь-гьарна"** ("Сад" сура, 35-38-аятар).

Маса аятда лагьанва (мана): **"Виридалайни Чехи Аллагьди**

Сулейманаз жинерар муьт'уьгь-гьарна, гар муьт'уьгь-гьарна, дагьлар ва къушар муьт'уьгь-гьарна. Чна Сулей-маназ, экуьнахь са вацран мензил-диз физвай ва ниснилай къулухь са вацран мензилдиз физвай гар муьт'уьгь-гьарна..." ("Сабаъ" сура, 12-аят).

Аллагь Таалади Сулейман пайгъамбардиз, салам хурай адаз, акьул ва инсанрин винел гьукум ийи-дай алакьун багьишна. Эгер вичи тавурт'ла, мад инсанрикай садавайни чилел кьайда тваз тежедайди пайгъ-амбардиз чизвай. Гьукумдар хьанм-азди, ам гьич са клусни такабурлу хьанач, адан кьилих дегиш тахьана амай. Сулейман пайгъамбарди, салам хурай адаз, гьа виликдай хьиз кесибриз гьуьрметдай ва абур адаз кландай ва вич абурулай хьсан я лагьана гьисабдачир. Ада абур вичин рахунралди шадардай, абурухь галаз са суфрадихь ацукь-дай, абуру вуч незват'ла, вичини гьам недай, тух



жедалди гьатта мухан фу недачир, анжах сун парталар алуқдай ва маса лезетдихъ къеъведачир. Пайгъамбарди вичин винел нефсиниз гьукум ийидай мумкинвал ганац ва ам хъсан шартлара яшамиш жез чалишмиш хъанач. Гьатта рагъкъеъчдай патахъ ва рагъакъидай патахъ адан гьукум авайтгани, Сулейман пайгъамбар, салам хъурай адаз, адетдин инсан хъиз яшамиш хъана.

Сулейман пайгъамбарди, салам хъурай адаз, шейтланрив къвалахиз мажбурдай ва абуру адан чала аваз къвалахдай. Пайгъамбарди къвалахзавай жинерар гуьзетдайла, абуру адакай гзаф кичеле, кагьулвал тавуна чпин кар ийидай, тахъайтла, пайгъамбарди абуруз жаза ийизвай. Гьа и жуьреда абур Аллагъди пайгъамбардиз муьтлуьгъарнавай.

Са сеферда гьа и жуьреда пайгъамбарди жинеррин къвалах гуьзетдайла, адан патав Азраил малаик, салам хъурай адаз, атанвай. Ам адан патав атунын себеб адан чан къачун тир. И члавуз Сулейман пайгъамбардин, салам хъурай адаз, яш 52 йис тир. Ада вич рагъметдиз фенвайди жинерриз чир тахъун патал, Аллагъдиз дуьа авуна. А кар авунин себеб ам тир хъи, пайгъамбардиз гьа иналди, жинерриз чинебан чирвилер авачирди инсанриз субутиз къанзавай. Гьа икI, пайгъамбарди вичин аса гьиле къуна, вичин капан юкъвар адал эцигна, ахпа вичин къил капарин юкъвал эцигна ва адал гьалтна жинерар гуьзетиз хъана. Абуру лагъайтла, адакай кичеле къвалахзавай. Гьа и гьалда аваз Сулейман пайгъамбар, салам хъурай адаз, рагъметдиз фена, амма адан вилер ахъа яз амай. Жинерриз адал чан аламайди хъиз авай, гьавилий абуру чпин къвалах давамарзавай. Са къадар члавалай пайгъамбардин сердер атана ва адаз ам рагъметдиз фенвайди акуна, амма ада жинерриз а кар къалурнач ва пайгъамбардин япал са шей кушкшдай хъиз къалурна, адалай къулухъ ам хъфена. Гьа и жуьреда ам гьар юкъуз пайгъамбардин патав къвез вичин амалар ийиз, хъфиз хъана. Жинерри чпин къвалах давамарзавай, амма Сулейман пайгъамбар, салам хъурай адаз, гьа са жуьреда аваз сагъ са йисуз юзазвач, рахазвач, незвач, амма вилер ахъайна гуьзетзава. И кардал шейтланар гзаф мягьтел хъанвай ва абуру явашдаказ, белки ам рагъметдиз фенватла лугъуз, сад-садаз кушкшиз башламишна, амма ачухдаказ а кар тести-къариз жезвачир, вучиз лагъайтла

абуруз пайгъамбардикай гзаф кичелезвай. Эхирки Аллагъди къарас незвай гьашарат (термит) рекъе туна ва ада пайгъамбардин гьиле авай лаш нез башламишна. Са къадар йикъарилай шуьклуь хъайи лаш хана ва адахъ агалтнавай пайгъамбардин мейит чилел ярхъ хъана. Гьа икI, пайгъамбар рагъметдиз фена са йис хъанвайдан гьакъиндай жинерар гьавурда акъуна ва жинерриз чинебан чирвилер авачирди инсанарни гьавурда гьатна, вучиз лагъайтла эгер абуруз чинебан чирвилер авайтла, абуруз чпин вилик квайди мейит тирди чир жедай. Идан жигъетдай виридалайни ЧIехи Аллагъди Къуръанда лугъуз ва (мана): **"Чна адан чан вахчурдалай къулухъ, абуруз (жинерриз) а кардикай, анжах адан (пайгъамбардин) гьиле къадай лаш тIекв-тIекв авур гьашарат себеб яз чир хъана. Ам чилел ярхъ хъайидалай къулухъ, жинерар, эгер чпихъ чинебан чирвилер авайтла, ахътин алчах азабрик чебамукъ тийидайдан гьавурда гьатна"** ("Сабаб" сура, 14-аят).

Сулейман пайгъамбар, салам хъурай адаз, рагъметдиз фейидалай къулухъ, адан шариатдин гьавурда авай гзаф алимар ягъалмиш хъана. Инсандин ухшарда аваз шейтланди са десте чувудрин патав фена ва чпиз ада багъа хазина къалурна къанзавани лагъана жузуна. Абуру чпин разивал къалурна. Ахпа ада абур Сулейман пайгъамбардин, салам хъурай адаз, тахт алай чкадал тухвана ва адан къан эгъуьнун буюрмишна, анжах вич са патал акъвазна. Адаз инсанри анив агатун патал тIалабайла, ада инкарна, вучиз лагъайтла гьеле пайгъамбардал чан аламаз а тахтунив агатай гьар са шейтлан кузвай. Абур чIалахъарун патал, лянет хъайида лагъана: **"Эгер ана хазина тахъайтла, куьне зун телефа"**. А члавуз чувудри эгъез башламишна ва пайгъамбарди инсанрин вилерикай чуьнуьхарай суьгъурдин ктабар винел акъуд хъувуна. Адалай къулухъ шейтланди абуруз **"Ингъе гьа и ктабрин куьмекдлади Сулеймана вичин пачагьлугъдал гьукум ийизвай"** лагъана ва вичин гел квадарна.

Адалай къулухъ чувудрин арада, гуя Сулейман, салам хъурай адаз, суьгъурчи тир лугъуз ванер чкъанвай ва гьа члавалай абуру, Таврат туна ва гьа и ктабар къелиз ва абурал амал ийиз башламишна. Чувудрикай тир гьакъикъи диндал алай инсанри а ктабар къабулзавачир

ва ахътин чирвал гьич садрани Сулеймананбур, салам хъурай адаз, тежедайди къейдзавай. Суьгъурчи-ийри лагъайтла, чпин чирвилер абуру несилрилай несилрал къван Сулейманавай, салам хъурай адаз, къунвайди къейдзавай. Гьа и жуьреда, Сулейман пайгъамбар, салам хъурай адаз, гуя ам суьгъурчи тир лугъудай, адал илитIнавай фитне, та Мугъаммад Пайгъамбар, салам ва хийир-дуьа хъурай адаз Аллагъдин патай, пайда жедалди, чувудрин арада чкъанвай. Гьатта Мугъаммад Пайгъамбар, салам ва хийир-дуьа хъурай адаз Аллагъдин патай, атайдалай къулухъни, са бязи чувудрин алибри лугъудай: **"Гуя Сулейман, пайгъамбар тир лугъузвай Мугъаммадал, салам ва хийир-дуьа хъурай адаз Аллагъдин патай, куьн тажуб жезвачни?"**

Адалай къулухъ Аллагъ Таалди агъадихъ галай аят рекъе туналди, Сулейман пайгъамбар, салам хъурай адаз, фитнедикай михъи хъувуна (мана): **"Сулейманан гьукумдикай шейтланри ва алчах инсанри, гуя ам Аллагъдин патай вагъю атанвай я пайгъамбар тушир, я илчи тушир, анжах жинеррин, къушарин ва гарун винел гьукум авай суьгъурчи тир лугъудай къундармишнавай тапаррихъ абур (инсанар) инанмиш тир. Амма Сулеймандинсузди ва муьтлуьгъсузди тушир. Ам имансузди тушир. Гьакъикъатда, абурукай шейтландин къилихъ авайбуру, Вавилонда къведаз (Харутаз ва Марутаз) атай чирвилер ишлемиш-уники, абуру пис руьгъерихъ галаз хвейи алакъадин куьмекдалди ишлемишзавай суьгъур инсанриз чируналди, абур ачухдаказ Аллагъдиз муьтлуьгъсуз тир..."** ("аль-Бакъара" сура, 102-аят).

Шейтланри инсанриз суьгъур чирна ва Сулейман пайгъамбар, салам хъурай адаз, гуя суьгъурчи тир ва ада суьгъурдин куьмекдалди ЧIехи пачагьлугъ къунвайди абуру къейдна. Абуру гзаф пис тапарар къундармишна, вучиз лагъайтла Сулейман пайгъамбарди, салам хъурай адаз, садрани суьгъур ишлемишначир. Сулейман, салам хъурай адаз, имансуз туширди ва ам садрани суьгъурдал машгьул тахъайди, Аллагъ Таалади Пак тир Ктабда малумарна. Амма шейтланар имансузар тир, вучиз лагъайтла абуру инсанриз суьгъур чирзавай. А кардин себеб ам тир хъи, абуруз Адаман, салам хъурай адаз, несилар ягъалмишариз къанзавай.



Гя и жуьреда Аллагьди Сулейман пайгъамбар, салам хъурай адаз, михьи хъувуна.

Суьгъуьр чириз башламишай чувудри, гя винидихь лагъайвал, Аллагь Тааладин Ктаб - Таврат туна, гьеле Сулейман пайгъамбардал, салам хъурай адаз, чан аламаз шейтланри кхьенвай суьгъуьрчийрин ктабрал амал ийиз хъана. Шейтланри, чувудри ва суьгъуьрчийри сад-садавай и дуьньяда диндиз зарар гузвай ва эхиратда гыч са хийирни авачир суьгъуьр чирзавай. Абуру диндилай винедай кьунвай суьгъуьр гыкьван писди ятла аку! Эхиратдин дуьньяда абур вилив хуьзвай жазадикай чпиз хабар хъанайтла!

Насигъат

Малум хъайивал, Сулейман пайгъамбарди, салам хъурай адаз, диндал алачир имансуз жинеррив (шейтланрив) мажбуридаказ квалашиз тазвай ва абурун суьгъуьрдин ктабар вичин тахтунин кланик чил эгъуьнна кутуна. Инсанриз акI авай хьи, гуя жинерриз чинебан чирвилер авай, амма пайгъамбар кIвачин килел рагъметдиз фена са йисан кьене абуруз гыч чирни тахъайдан гыкьиндай инсанар шагъидар хъана. Амма гыкI ятлани, Сулейман пайгъамбардилай, салам хъурай адаз, кьулукъ шейтланри чпин алчах амалар мадни давамарна: абуру пайгъамбардикай фитнеяр чукIурна ва суьгъуьрдин ктабар чиликай хкуд хъувуна. Адалай башкъа яз, абуру суьгъуьр инсанриз чирна.

Суьгъуьрдал машгъул хъун гъарам тирди чаз чир хъун лазим я. ГыкI хьи, Абу Гъурайрадилай, Аллагь рази хъурай вичেলাй, атанвай гъадисда Мугъаммад Пайгъамбарди, салам ва хийир-дуьа хъурай адаз Аллагьдин патай, лагъана: "Къиникъин ирид гунагъд-икай яргъа хъухъ". Инсанри хабар кьуна: "Я Аллагьдин Расул, абур гьибур я?" Ада жаваб гана: "Аллагьдиз шерик гъуникай, суьгъуьрдикай, Аллагьди къадагъа эцигнавай инсан чандивай авуникай, буржунилай файда хкудуникай, етимдин эменни жуваз кьуникай, даяведин майдандилай катуникай ва михьи, инанмиш дишегълийрин тIвар къацIуруникай" (аль-Бухари, 2767; Муслим, 89).

Гъадисда Пайгъамбарди, салам ва хийир-дуьа хъурай адаз Аллагьдин патай, лугъузвайвал, суьгъуьрдикай яргъа хъана кланзава.

Ам чIехи гунагърикай сад я.

Ибн Аббасалай, Аллагь рази хъурай вичেলাй, атанвай маса гъадисда Пайгъамбарди, салам ва хийир-дуьа хъурай адаз Аллагьдин патай, лагъана: "Ни астрологиядин хел чирнаватIа, ада суьгъуьрдин хел чирнава, амма ни ам гзаф чирнаватIа, ада гъакъван къадарда суьгъуьр чирнава" (Агъмад, 1/277; Абу Дауд, 3905 ва мсб).

Астрология, яни гъетерин куьмекдалди инсандин гележегдикай малумарун, суьгъуьрдик акатзава. Чи аямда и хел, гъайиф хьи, гзаф вилик фенва. Фалчийри гъетерин куьмекдалди инсанрин гележегдикай малумарзава, гя и жуьреда абур ягъалмишвиле твазва.

Са бязи фалчийрин патав шейтланар къевезва. Абуру авайдини авачирди кутун хъувуна, фалчийриз малумарзава ва абуру чпин нубатда диндин жигъетдай савадсуз адетдин инсанар ягъалмишарзава. Фалчийри абуруз чпин гележегда жедай вакъиайрикай лугъузва. Амма им таб я. Гележегдикай ва чинебан чирвилерикай тек са Аллагьдилай гъейри мад садазни хабар авач. Идан гъакъиндай Аллагь Таалади Къуръанда лугъузва (мана): "Сирдин куьлегар анжах Аллагьдив гва ва адакай анжах Гъадаз хабар я. Чилел ва гъуьле вуч аватIа Адаз чизва, пеш анжах Адан буйругъдалди аватзава, ачух Ктабда къалур тавунвай са шейни авач" ("аль-Ан'ам" сура, 59-аят).

Жинерри Сулейман пайгъамбарди, салам хъурай адаз, гъуьлуьн юкъва авай кьураматдал алай ифритдикай (гзаф гужлу жин) лагъайла, ада ам вичин патав хкун патал са шумуд жин рекъе туна. Абур хтайдалай кьулукъ, ифритди вич рекъе гыкI тухванатIа, яни вичин наразивал гыкI къалурнатIа, пайгъамбарди абурувай жузуна. "Ваъ, амма гагъ-гагъ инсанар дуьшуьш хъайила, ада абурал хъуьруьнарзавай", - лагъана жинерри. Сулеймана, салам хъурай адаз, ифритдивай вичи вучиз хъуьруьнарнайтIа хабар кьуна. Ифритди лагъай са себебдикай ахъайда. Ада лагъана: "Зун са куьмек авачир дишегълидин патавай физвай, ам лагъайтIа, инсанрив "цаварилай атанвай сирер" агакьарзавайди тир. Ам къаткидай чкадин кланик хазина квайди заз чизвай - къадим заманада а чкада сада гзаф кьизилар чуьнуьхарнавай. А дишегъли гишила авай

ва адаз вичин кьилик кьизилар квайди чизвачир. И чIавуз заз хъуьруьн атана".

Килиг садра а дишегълидиз! Адаз вич къаткидай чкадин кланик квай хазинадикай хабар авачир, амма вич фалчи хъиз тухузвай ва вири уьмуьрда инсанар алдатмишиз хъана. Эхирни а дишегъли гишинвилик кьена. Чи аямда ахътин дишегълияр ва итимар кландай къван ава. Инсанар фалчийрин кьилив физва ва абурун тапаррин эсердик акатзава.

Инсанар фалчийрин гафарихъ инанмиш хъуналди, Аллагьдивай яргъа жезва. Чилел ва цаварал Аллагьдин буйругъ авачиз вич-вичেলাй жезвай са шейни авачирдал шак алач. Бязи вахтара фалчийри лагъай гафар Аллагьди кьилиз акъатдайвал ийизва ва гя и жуьреда Халикьди инсанар ахтармишзава.

Маса аятда Аллагьди лугъузва (мана): "Лагъ: "Чилел ва цаварал алай гыч садазни Аллагьдилай гъейри чинебанди чизвач" ("ан-Намл" сура, 65-аят).

И гафарилай кьулукъ суьгъуьрчийри ва фалчийри, Аллагь Тааладихъ галаз санал чпизни чинебанди чизва лугъуз кьейдзава. Виридалайни ЧIехи Аллагьди чинебанди анжах тек са Вичиз чизва лугъузва, амма инсанриз ухшар авай шейтланри чпизни чизвайди кьейдзава. Къуй Аллагьди абур агъузаррай!

Аллагь Таалади генани лагъанва (мана): "Гъакъикъатда, эхиримжи Сят алукъдай вахтуникай анжах Аллагьдиз чирвал ава, Ада марф рекъе твазва ва руфунра вуч аватIа чизва. Вичин кьилел пака вуч къведатIа, вич гьи чилел рекъидатIа, - гыч са касдизни чизвач. Гъакъикъатда, Аллагь - Чирвал авайди я" ("Лукъман" сура, 34-аят).

Аллагьди Вичин сергъят авачир, аквадай ва чинебанди вири кьунвай чирвиликай генани малумарна. Аллагьди Вичин лукIариз чинебандакай гзаф шейэр чирдай мумкинвал гузва, анжах и аятда лагъанвай вад шейиникай, Аллагьдилай гъейри, мад гыч садазни чизвач.

Погасите долги за газ до начала отопительного сезона!



ского и Докузпаринского районов" призывает всех абонентов - потребителей газа погасить имеющуюся задолженность за потребленный газ до начала отопительного сезона.

Оплату необходимо произвести до 10 числа любым удобным способом: через кассы абонентской службы или с помощью дистанционных сервисов "Мой Газ", "Сбербанк-онлайн".

Заплатить за газ также можно в "Личном кабинете абонента" на сайте www.mkala-mrg.ru или скачав мобильную версию "Мой ГАЗ" на свой гаджет.

Уважаемые жители Докузпаринского района!

"Газпром межрегионгаз Махачкала" абонентский пункт Ахтын-

Халкъдин яшайишдин гьалар клевара ва дарда твазвай, абурун игьтияжриз дуьзгьувиледди килиг тийизвай, закондин истемешунриз яб тагана чпин кваллахар ва къуллугъ идара ийизвай гьакимар гьукуматдин аппаратда гьеле кьери туш. Эгер са гьихьтин ятлани идарада куьн кимивилерал расалмиш жез, абур пулар тлалабиз хьайитла, чаз газетдин работникриз хабар це. Чун куь тереф хуьн патал гьар са дуьшуьшда кьаришмиш жада ва чуру кваллахриз рехъ тагунин карда гьахъвилин даяхар яз акъвазда. И мураддалди чна, вири уьлкведа хьиз, "горячая линия" кардик кутазва. Тлалазва чаз чарар кхьин (къуларни чугуна).

Гьуьрметлу газет келзавайбур!

«ЭС» газетдин редакцияди квевай тлалазва, райондин идарайриз ва тешкилатриз авай суалрин патахъай редакциядиз чарар кхьин. Чи редакцияди куь суалриз жавабар гуда.

Тел: +7 (8722) 55-14-61

Скорая помощь ЦРБ Докузпаринского района
тел.: 8 928 059 84 90, 8 989 868 03 00



«ГОЛОС ЭРЕНЛАРА»

2001-йисан
ноябрдилай акъатзава

Тешкилайди:
Докузпара райондин
администрация,
Дагьустан Республика

Учредитель:
Администрация Докузпаринского
района, Республика Дагестан

Кьилин редактор:
В.С. АГЪАМУРАДОВ

Хусуи корреспондент:
Ш.О. ШАГЪБАЛАЕВ

Корректор:
Ш.О. ШАГЪБАЛАЕВ

Верстка ийизвайди:
КЪ.В. АГЪАМИРЗОЕВ

Газетдин индексар:
Зур йисан кьимет - 299 м.
Йисан кьимет - 598 м.

Чандиз вахкай вахт: 14:00
Чапзавай вахт: 17:00

Тираж 440

Редакциядинни макъалайрин авторрин фикирар сад тахьун мумкин я. Макъалайрин делилрин дуьзгьилин патахъай жаваб авторри чни гуда. Макъалайриз рецензия гуьвач ва абур элкьевена вахкузвач. Мадни, чпин макъалайра дегишвилер тунал, кьилер дегишарунал рази тушир мухбиривай чна абур редакциядиз ракъур тавун тлалазва.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докузпара
район, Усугчай хуьр,
тел. +7 (8722) 55-14-61
e-mail:
gos-erenlara@mail.ru
Чи сайт: www.erenlar.ru